



FAHRDIENST für Juli

Wer am 06.07.2017 zur Seilbahn, dann ins Vereinshaus und zum Ende nach Hause gefahren werden will, der möchte bitte anrufen:

Matthias Schürer, Tel. 2666 oder 2141

Sollte der Fahrdiensthabende nicht gleich erreichbar sein, dann bitte öfter anrufen – ruhig auch schon ein oder zwei Tage vorher !!!



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Fax 037752 / 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 87054000 389 220 7258
BIC: WELADED1STB

Unner Blatt`l



Nummer
148

Mitteilungsblatt des
Erzgebirgischen Heimatvereines Eibenstock e.V.

Juli
2017



Unner Robert aus Carlsfeld

<< Wie mir redn >>

De Sproch bei uns in Arzgebirg,
die ka mr schiu drleidin,
die stackt voll Labn, die is noch frisch,
su wie in altn Zeitn.
Do schlächt is ganze bissl Herz
vu unnrer Haamit drinne.
Wie schie, des mir uns heitzetog
noch dodrmiet vorstinne!

Horcht nár mol hie, horcht ner mol drauf:
In unnrer Sproch dr Altn,
do is e mannichs gute Stück,
vun Arzgebirg drhalt'n:
E Hase is e Hos bei uns.
Statt Hosen sogn mir Husn.
Tschütscheriegrie is ne Farb for siech,
statt kosen sogn mir Kusn.

E Maulwurf dar haast Motwurf hier,
un Dachteln des sei Schwappen.
E Schafel oder Flitscherle,
des is e kllaaner Happn.
Pullover, des sei Schwitzer nár.
Zorschlazn is zerreißen.
Des Dangeln Fichtnmodeln sei,
is net schwar noochzeweisen.

Mir sogn net: "Du kast miech emol!"
E Jeder, tut 's begreifn,
wenn mir ne des ganz vürnahm sogn:
„Kast ümering miech pfeifn!"
Gibt 's hubn bei uns in dumpen Knall,
do is des noort e Plautzersch.
Huppt aaner nauf aufs Kaneppe,
do macht dar abn en Kautzschersch.

Nu wißt 'r aa, wos Kraalerts haast!
Ne kllaane Ziech haast Habbel,
ne kllaane Stub haast Kafierle.
Dr Nebel is dr Naabl.
Getschack't, getschieblt is is Kklaad,
des wissen lang de Kinner.
Ne Halfred is ne Ausred nár,
zur Rutschbah sogn mr Tschinner.

War schmiert beim schreiben,
dar schmolchert abn,
e Kük'n is ne Zwiebl.
Un werd mr wutich, rutscht 's uns raus:
„Dar Dingrich, su e Kriepf!"
Gelenkig haast gelamper blüß.
War planschert, dar tut matschn,
un wos bei uns e Maarsack is,
tut viel un olber patschn.

E Ranftl is e Stickl Brut,
ne Fietz, die is weng grösser,
un gibt 's statt Eibrock Rauche Maad:
mit Butter, schmeckt des besser.
Mir sterln, mir straachln un mir kneern,
mir tampern un mir leckern,
un war bei uns racht kabisch is,
tut iebem Assn meckern.

Des, wos lawet is, is kaputt.
Dorlabn mir schilachte Sachn,
noort stieht kaa Stack'n meh grad.
War gickert, dar tut lach'n.
Wenn aaner siech racht dechtn tut,
kricht ar ne Ziep genumme,
un mannichs Potschof is meitog
ze wetter nicht gekumme.

Iech hätt noch annersch Zeich parat,
kennt eich noch meh vorrot'n.
War redt, wie ne dr Schnobl stieht,
bei den, do gieht 's ze fodn!
Iech wollt eich dodrmit nár zeign:
De Sproch, des is kaa Wunner,
die is gesund un voller Kraft,
die gieht noch lang net unner.

War su noch spricht, soll desterwagn
siech epper fei net grame:
Dor Muttersproch, in Volk geborn,
braucht kaaner siech ze schame!

Manfred Pollmer



Wir gratulieren unseren Heimatfreunden

Melanie Leonhard	am 02.07.	zum 40. Geburtstag
Rosemarie Pawlowsky	am 08.07.	zum 90. Geburtstag
Brigitte Görner	am 17.07.	zum 75. Geburtstag
Christine Schleevogt	am 26.07.	zum 67. Geburtstag
Bernd Schleevogt	am 27.07.	zum 68. Geburtstag
Else Barth	am 29.07.	zum 88. Geburtstag
Annita Einsiedel	am 29.07.	zum 79. Geburtstag



Weich ist stärker als hart, Wasser stärker als Fels,
Liebe stärker als Gewalt.

(Hermann Hesse)

**Liftfahrt zur
Adleralm
Donerstag,
06. Juli 2017,
!! 16.00 Uhr !!
anschl. geht 's ins
Vereinshaus**



...un am Donerstag, ne
03. August kutschiern mir
mit de Pfaarle emol nooch unnern
Carlsfald naus.

Abfahrzeit un -ort werd im
nächstn Blattl bekannt gabn.

**Bitte Teilnahme bis zen 23.7.17
in Museum maldn !! Tel. 2141**





Fortsetzung von Seite 3

Egal kame esu 8 bis 12 Kinner zam, die durch sein Hausflur nei unnerer Kich gange sei. Se sei immer vu mir schu drmaahnt wurn un ham leise un vürsichtlich is Haus betraatn. Wenn die Sach ze End war, ham alle mit aagefaßt un de Stub aufgereimt. Un dodrmit des Ganze Theater net auffällt, ham mir aa noch de Bohnerbürscht genumme un jeds Dielnbrattl glänzlich gewiemert. Wenn mei Mutter su nooch viere ham kam, war allis in bester Ordnung, die hat nie gewußt, des

do su e Begängnis war. När mei Flachn-Ernst tat ab un zu meiner Mutter sogn, des do immer su viel Kinner in sein Haus wärn. Wenn se miech gefroocht hat, wer dogewaasn wär, hob iech när immer meine engstn Freinde genannt, in Hahn-Roland un in Schmidt-Hans-Jürgn vu gegnieber, un dodrmit war se zefriedn – is war ja ansinstn allis sauber un ordlich!

Später, als mir eweng vu de Kaschperpuppen abkame, ham mir uns trotzdem immer wieder bei uns drham getroffen. Des ging schu racht frieh lus: kurz nooch Sieme kame de erschn un ham ihre Schularbit bei mir schnell noch - entweder vu mir ogeschriebn - oder aa salberscht gemacht. Un an Noochmittich gings wetter mit Spieln oder aa Musik hern, aber när ausn Radio, was annersch hattn mir domols net. Ja un dann ham mir uns aber immer öfter in dr Funkstroß Eins bei de Müllers eigefundn, entweder in Huf oder aber in den klenn Överbudn iebem Waschhaus. Do durftn mir spieln un Höhln baue, in Sommer aus Holz un in Winter ham mir dortn in Schnee zamgekartt un richtsche große Schnee-

hüttn gebaut, wu mir allezam Platz drinne hattn. Do hat kaaner gespukt oder uns drvu gejoocht: Im Gegntaal, die ham uns noch bei unnern Spielerein unnerstützt un geholfn. Dr Aanzche, dar immer wenig argwöhnlich geguckt hat, war dr Vater Fritz, aber dar war seltn do. Des war ne schiene Zeit, an die denkt mr oft un gern zerick, des kennt ihr mir glabn!

Bis zu nr Fortsetzung –
Eier Schmidt!

(im Bild vu links nooch rechts:
Hans-Jürgen Schmidt/Joachim
Krauß/Iech/Bernd Müller)



Fotos: Schmidt-Archiv

Fald- un Funkstroßn - Bericht

Kennt ihr eich noch drinnern? In Mai-Blattl hatt iech doch vu dr Faldstroß un unnern Hauswirt drzählt. Do is mir noch ewos meh eigefalln, des wollt iech eich net vorenthalten: Do muss iech aber erscht emol eweng weiter aushuln. Mei Op, dr Neuschrank-Bruno, war ganz begeistert vun Kaschperletheater. Ar hat seine Pupp salbercht aus Zeitungspapier un Tapetnkleister hargestellt, aahgemolt un aa is Aaziehzeich for die zamgenäht! Des war ne feine Sach. Un aa de Vorfiehrhaisle hat ar salber gebaut, grüße for drauß un klaane for de Stub. Seine Auf-fiehrunge hatter meestns in dr Gartnspart an dr Vodelstroß zelebriert. Meine Brüder ham seine Kaschperpuppn samt seine aufgeschriemne Geschichtn iebernumme un bei uns drham in dr Faldstroß for de Kinner aufgefiehrt. Meestns war domols aa unner Nachbarsgung, dr Scholz-Egon, drbei. Un iech hob mir des dann viel später aa aufbereit, die Kaschperkist naufn Tisch in unner-



Links untn: mei Op



er grußn Wuhnküch hiegestellt un mit noch in Helfer for unnerer Stroßnkinner Theater gespielt. Do sei gelei nooch dr Schul de Stiehl eng zamgerickt wurn, annere soßn ganz aafach auf dr Diel, in Teppich hattn mir net. Des war immer e Mordsgaudi un hat uns alln Spaß gemacht. Des war natierlich for unneren Flach - Hauswirt schu e Dorn im Aach:

Fortsetzung: Seite 6

Grilln am „Blaue Wunner“

Im Plan for dies Gahr stand drinne: Grilln emol ganz wuannersch, bein „Blaue Wunner“. Also, net des des dr aane oder annere falsch vorstieht: net ebber in Drasdn, naa mir ham ja schließlich aa aans hintn an Bühlbarg!



Bei schennstn Watter – des sooch erscht net gerod su aus – sei mir am klenn Teich vorn Hotel an de Bänkle eigerickt. Mir hattn in Vürfald kurz ieberschlogn un gemald, des ugefah 35 Leit zamkumme kenntn. Un des war gut kalkeliert: zen Schluss warn mr 37! Gelei kam de Bedienung gesprunge: dr Hans un dr Franz

ausn Tschechnland. In Hotel wern die aa gern als Hurvinek & Spejbl genannt, weil se salber esu viel Spaß ham un aa jedn mietmachn. Die beedn ham uns gut un schnell vorsorcht, aa wenn se bis zr Bar, wu se allis hartransportiern mußtn, in ganz schien weitn Wag ze laatschn hattn. Aaner vu de Köch stand aa schu an Grill un tat aufn Befehl wartn, wann ar aheizn un lusgrilln söllt.



Nooch dr offizjelln Begrießing vun unnern Schürer - Chef hob iech aa noch egehoocht un mietgetaalt, des unner Kass in Taal vun Assn ieberrname tät, also net is Assn salber – halt is Gald! Zeerscht gobs de Taller mit Ardepplsalat sammt a paar Beilogn un dann wurdn de Brotwürscht

serviert. Net lang drauf kam aa noch e Steak drzu. Mir hams uns schmeckn lessn. Mittlerweil war iech eweng uruhich wurn, weil mei Kulturbeitroch immer noch net aufgetaucht is. Dr Wallschläger-Robert aus Carlsfald söllt lang seit halb Sieme aufspielen, aber dar muß erscht noch seine Kinner vunnern



„Ja, ar labt noch...“

Auftritt ohuhn. Auf jedn Fall war unner Robert kurz nooch üm do un hat aa gelei lusgeleecht mit ne Steicherlied, Eimstocker-Marsch unsuwetter-unsufort. Do kam de richtsche Stimmung auf, is is geschunklt un aa mietgesunge wurn, su des de Zeit viel ze schnell vorgange is. Zen gutn Schluss muß ar noch ne Zugab brenge: do gabs in Holzmichl drauf, wu se alle noch emol richtig mietlinge un aufspringe konntn: „Ja, ar labt noch“ hats rings ims Hotel geschallt. Esu üm Neine rim is is dann doch eweng frischer wurn, su des noochterts de erscht n eham sei, dr harte Kern saß - aber mit Strickgackn - drwagn bis halb Zahne.

**E ganz harzlichs „Glück Auf“
vun Schmidti un unnern Vorstand**